

Arkiv: <arkivID><jplD> FE-223, TI-&00
JournalpostID:
Sakshandsamar:
Dato: 26.05.2021

Saksframlegg

Saksnr.	Utval	Møtedato
044/21	Utval for oppvekst, kunnskap og kultur	08.06.2021

Kommunale tilskotsordningar kultur og idrett - revidering av retningslinjer - høyringsutkast

Rådmannen sitt framlegg til vedtak:

Utval for oppvekst, kunnskap og kultur godkjenner at reviderte retningslinjer for kommunale tilskotsordningar innan kultur og idrett vert lagt på høyring med frist 10. august, slik dei ligg ved saka

Utval for oppvekst, kunnskap og kultur 08.06.2021:

Handsaming:

Rådmannen sitt framlegg vart samrøystes vedteke.

OKK- 044/21 Vedtak:

Utval for oppvekst, kunnskap og kultur godkjenner at reviderte retningslinjer for kommunale tilskotsordningar innan kultur og idrett vert lagt på høyring med frist 10. august, slik dei ligg ved saka

Politisk handsaming

Saka skal avgjerast i utval for oppvekst, kunnskap og kultur.

Bakgrunn

Gjeldande retningslinjer for kommunale tilskotsordningar til kultur, idrett og friluftsliv vart vedtekne i Alver kommunestyre den 19.12.2019, sak 050/19, med tilleggspunkt *Kommunestyret ber administrasjonen om ny modell med tidlegare søknadsfrist for tildeling frå 2021.*

Dei tidlegare tre kommunane hadde søknadsfrist på våren. I fleire møte med kulturlivet i 2018/19, knytt til bygginga av den nye kommunen, kom det innspel om å endre søknadsfristen. Innspela var knytt til at søkjarane burde få avklaring og tildeling tidlegare på året enn før, der det tradisjonelt har vore tildeling på forsommaren kvart år.

Grunna pandemien i 2020/21 har arbeidet med ny modell måtte vente. Samstundes har ein gjennomført to tildelingar etter gjeldande retningslinjer. Desse var utarbeidde både som nyordning og samstilling av dei tre tidlegare kommunane sine retningslinjer og praksis, med blick til aukande kompleksitet og omfang i ein større kommune.

Saksopplysninger:

Retningslinjene ved saka til høyring følgjer opp vedtakspunktet om ny søknadsfrist, samt justeringar etter evaluering av dei to første tildelingsåra.

Høyringsutkastet ved saka legg frem følgjande endringar:

Søknadsfrist og tildelingstidspunkt

Hovudtildelinga har i dag frist 1. mars og tildeling i månadsskiftet mai/juni. Tilleggstildelinga til prosjekt har søknadsfrist 1. september med tildeling oktober/november.

Høyringsutkastet fremjar frist for hovudtildeling 15. november med tildeling i månadsskiftet januar/februar. Tilleggstildelinga til prosjekt vert fremma med søknadsfrist 15. april med tildeling mai/juni.

Søklarar vil få handsama søknadane tidleg på året, og før årsmøta deira. Dette vil kunne skape større føreseielegheit, samstundes som ikkje vil ha behov for å ettersende vedlegg, sidan årsmøta er gjennomført ved søknadsfrist.

Årshjulet for søklar vil vere (1) svar søknad, (2) årsmøte (3) søknad for neste år.

Årshjulet for kommunen vil vere (1) handsaming av søknadar innsendt året før (2) handsaming av rammer for tilskota i økonomiplanen (3) budsjettering og utlysing av ny runde.

Tydeleggjering av driftstilskot og prosjekttilskot

Høyringsutkastet ryddar i oppstillinga og presiserer kva som gjeld for og av driftsordningar og prosjektordningar. Vidare presiserer ein kven som kan søkje til desse ordningane i høve praksis og behov, og ser tilhøva til ordninga med fleirårlege tilskot som forvalta i økonomiplanhandsaminga.

Fire ordningar er tatt ut i høyringsutkastet, og ein er justert:

1. Driftstilskot til scenekunst og -formidling. Føremålet med ordninga var og tydeleggjere denne delen av kulturfeltet i ei eiga ordning, men erfaringa viser at dette kan forvalta under driftstilskot til andre.
2. Tilskot til musikkonkurransar. Ordninga har hatt få søknadar, og før pandemien, og kan verke skeivfordelane. Det vurderast av spissing av dei etablerte driftsordningane til musikkfeltet, samt tydeleggjeringa av prosjekttildelingane kan forvalte behovet.
3. Kjøpt svar har hatt som føremål å kunne forvalte uforventa behov innan kultur- og idrettsfeltet, utan å måtte vise til halvårlege søknadsfristar. Søknadstilfanget viser at det i liten grad vert søkt etter slike behov, søknadane i stor grad vert avvist, og at omsøkte tiltak høyrar heime i dei halvårlege prosjekttildelingane.
4. Ordninga knytt til nærmiljøanlegg og periodiske satsingar viser seg å vere krevjande å skilje ad frå prosjekttildelingane, med få søknadar, og behovet bør forvalta i prosjekttildelingane.
5. Friluftsfeltet ut av driftstilskotsordninga til idrett og lag tilslutta det frivillige skyttarvesen. Inkluderinga har hatt som føremål og tydeleggjere behova i friluftsfeltet, men søknadstilfanget viser at søklarane bør forvalta under driftstilskot til andre. Lag tilslutta det frivillige skyttarvesen vert framleis forvalta under ordninga, med omsyn til det nære tilhøve mellom skyttaranlegga og idrettsleg aktivitet, og spelemiddelinnettinga.

Justering av stipendordningane

Høyringsutkastet justerer stipenda tydelegare i retning arbeids- og etablerarstipend, og konkretiserer forskjellen på kultur- og idrettsprosjekt og stipenda. Eit døme vil vere at kulturprosjekt her bidrar til å gjennomføre eit prosjekt (trykke bok), mens arbeidsstipendet bidrar til tida ein treng (skrive bok). Vidare

presiserer ein at lag og organisasjonar kan aktivt søkje på vegne av og saman med utøvarar.

Vurderinga er knytt til erfaringar ved forvaltinga av ordningane, tilbakemeldingar frå interessentar og innrettingar hos andre tilskotsytarar.

Om vidare prosess

Om reviderte retningsliner vert lagt på høyring, vil høyringsperioden gå snarast etter handsaming til 10. august, med endeleg handsaming i august/september før ny søknadsfrist 15. november eventuelt trer i kraft. Ein vil leggje ekstra trykk på informasjonsarbeid knytt til høyringa.

Vedlegg i saken:

01.06.2021	Tilskotsordningar kultur og idrett. Retningsliner høyringsutkast 28.5.2021	1563837
------------	---	---------